

# Deca-Sure

Reg. Nr. G4280 Wet 36/1947

NS019/24.4.2/1443 Wet 13/2003

## ENTSTOF VIR BEESTE EN SKAPE

### BEWARINGSINSTRUKSIES

Bewaar tussen 2 °C tot 8 °C. Moenie vries nie.  
Beskerm teen lig. Skud voor gebruik.

### DOSEERVORM

Inspuitbare entstof

### SAMESTELLING

Bevat gesuiwerde en gekonsentreerde toksoïede van *Clostridium perfringens* Tipes A, B, C en D, *Clostridium septicum*, *Clostridium novyi* Tipe B, *Clostridium tetani* en *Clostridium sordellii*, en integrale anakulture van *Clostridium chauvoei* en *Clostridium novyi* Tipe D (*Clostridium haemolyticum*).

### INDIKASIES

Gekombineerde 10 in 1 Klostridiale Entstof. Vir die aktiewe immunisering van beeste en skape.

### WAARSKUWINGS

- Moenie diere binne 21 dae na inenting vir menslike gebruik slag nie.
- Slegs gesonde beeste en skape moet ingeënt word.
- Soos met alle entstowwe mag hipersensitiwiteitsreaksies per geleentheid voorkom. In sulke gevalle moet gepaste behandeling, soos adrenalien en / of antihistamiene, sonder versuim toegedien word.
- Soos vir alle entstowwe, kan absolute immuniteit nie in alle diere gewaarborg word nie. Dit is raadsaam om 'n veearts rakende bykomende beheermaatreëls te raadpleeg in plaas daarvan om slegs op die inenting staat te maak.
- 'n Tydelike swelsel mag voorkom op die plek waar die entstof toegedien is, en sommige diere mag 'n matige styging in liggaamstemperatuur vir een of twee dae toon.
- Dragtige vroulike diere moet in die laaste trimester ingeënt word om passiewe immuniteit in die nageslag te verseker.
- Hou buite bereik van kinders, oningeligte persone en diere.
- Alhoewel hierdie entstof breedvoerig onder 'n wye verskeidenheid van toestande getoets is, mag dit faal as gevolg van verskeie redes. Indien dit vermoed word, raadpleeg die veearts en verwittig die registrasiehouer.

### VOORSORGMAATREËLS

- Immuniteit ontwikkel na beraming 20 – 28 dae na die eerste inenting. Inenting moet herhaal word in naïewe diere, 28 – 30 dae na die eerste inenting. Die beraamde duur van immuniteit na die laaste inenting is een jaar en beraamde duur van

immuniteit 28 – 30 dae na inenting is een jaar.

- Diere wat ingeënt gaan word moet gesond en ontworm wees. Vermyn stres met vervoer en laat die diere toe om die dag na inenting te rus.
- Gedeeltelik gebruikte houers met oorblywende entstof moet weggedoen word aan die einde van elke dag se werksaamhede, aangesien dit onder veldtoestande moeilik mag wees om onopsetlike kontaminasie van die entstof te vermy.
- Gebruik slegs steriele naalde en behoorlik gesteriliseerde apparaat vir inenting. Ten einde toepaslike higiëne te handhaaf, is dit raadsaam om die naalde so dikwels as moontlik met skoon steriele naalde te vervang.
- Moenie hierdie entstof met enige ander veterinaire medisinale produk vermeng nie.

### GEBRUIKSAANWYSINGS

Gebruik slegs soos aangedui. Skud goed voor gebruik. Die aanbevole roete van toediening is deur onderhuidse inspuiting.

**BEESTE:** Kalwers behoort teen die ouderdom van 6 maande ingeënt te word.

**SKAPE:** Skape behoort teen die ouderdom van 4 maande ingeënt te word, met 'n verdere inenting na 28 – 30 dae. Daarna moet inenting jaarliks geskied.

Diere wat voor die ouderdom van 3 maande ingeënt is, behoort met spening of teen die ouderdom van 4 – 6 maande heringeënt te word.

Diere wat nog nie voorheen ingeënt is nie, moet twee inentings met 'n tussenpose van 28 – 30 dae ontvang (primêre inenting en skraagdosies).

Diere behoort jaarliks voor tye van uitermatige risiko of nadat geboorte geskenk is heringeënt te word.

In areas met 'n hoë voorkoms van basillêre hemoglobinurie (*Clostridium novyi* Tipe D) behoort diere elke 6 maande 'n versterkingsdosis te ontvang.

Immuniteit ontwikkel binne 3 – 4 weke na inenting en behoort vir ongeveer 1 jaar te hou, met uitsondering van *Clostridium novyi*.

### DOSISAANBEVELINGS

**Beeste:** 5 ml deur onderhuidse inspuiting aan die voorkant van die nek.

**Skape:** 3 ml deur onderhuidse inspuiting waar die wol kort is, of aan die binnekant van die dy. Moet NIE in die nekarea inspuit nie.

Raadpleeg asseblief u veearts vir 'n inentingsprogram.

### AANBIEDING

Bottels wat 100 ml en 250 ml bevat.